



Tuhaagakhaq

Qilaminnaq uqaqtakhaq

RFQ-mik tuniyauyut Iqaluit Nunaryuami Milvinganik Ihuarhaitjutikhanganik Havaakhaanik

IQALUIT, NU (June 29, 2012) – Tamna Iqaluit Nunaryuami Milvinganik Ihuarhaitjutkhanganiq Havaakkhaa qanikliyuumiliqtuq ihuarhaqtauliriami ublumi tuniyauyumik Apirhuiyut Ayuitamiknik (RFQ) nutaamut milvinga Iqalungmi.

“Tuniqhaininnga RFQ-mik Iqalungmut Nunaryuami Milvikhaanik Ihuarhaitjutikhanganik Havaakhaanik quvianaqpianguyuq tuhaayakhaq tamainnut inuknut Nunavunmiutanut,” uqaqtuq Ministauyuq Pivalliayuliqiitkunnut, Peter Taptuna. “Una akhuerutauyuq havaakhaq ikayurniaqtuq tingmitinut ihariagininnganut Nunavunmiutatnun Iqalungmi, amigaitjuaqtullu Iqalukuuqpaktut amigaittunik ukiunik talvannqa.”

Tamna RFQ hivulliqpaanguyuq havaakhaq uukturumayunut tikkuaqtauninnganik havaaq pitquiuyt piumayunut katimayiuyt, havakviuyt havaqatigiiktulluuniit tunigami kiutjutinik naunaiqtittut piumayamiknik, ayuitamiknik, havaakkhamut. Talvannga havaakhaa naunaiyariami tikkuaqtauhimayut pingahuuyunik katimayiit uuktuquiniaqtut tunigami tukhiutinik titirauyariamikni, nappariamikni, maniliqitiqiami, munariqiami aulapkailuqulu nutaaq igluqpakhaq.

“Nunavut Kavamatkut quviahuktut hivumuuriami uuminnga havaakhaq Iqalungmi Nunaryuami Milvikhaanik Ihuarhaitjutikhanganik Havaakhaanik, naunaiqtitaa aulapkaininnga havaakhamut titirauyariami nappaqtiriamilu uuminnga nutaaq milvikhaq,” uqaqtuq Ministauyuq Nunaliningni Kavamatkunnillu Pivikhaqaautikkut, Lorne Kusugak. “Una nutaaq milvik nakuutjutiniaqtaa tingmitjutiuyuq aulapkaitjutinganik Nunavunmi tuniniaqtuqlu aulapkaiyumiq piinarialaqininnqanik.”

Tamna Iqaluit Nunaryuami Milvikhaanik Ihuarhaitjutikhanganik Havaakhaanik piqaqtuqlu nutaamik milviup igluqpanganik; angikliyumiqhimayunik nayugakhangit tingmitit nutqangavikhanganik; nutaanik qaumaqutinik; ihuarhaqhimayumiklu milvinga; nutaamiklu atlatqiinik iqluqpak nayugakhaanik qaptiriu akhaluutinginnik/ikayuutaqtikhanganik hanalrutinik unalu milvikmik tingmit nayugakhanginniklu ihuarhaitjutikhanganik.

Akituyunik akikhaa naunaiyaqniaquq havaakhaa angirutinga naunaiqtitaukpat. Igluqpiliurninnga aullaqtiqvikhaa 2014mi iniqtiqvikhaalu 2017. Tamna havaakhaq pipkaitjutiniaqtuq akhuurutauyumik havaakhaliuqniiq, talvunga ahinullu, unalu ayuirhaivikhaq maniliurutikhampiklu pipkainik Iqalungmut Nunavutnunnullu.

1/2

News releases are available in Inuktitut, English, Inuinnaqtun and French on www.gov.nu.ca.

News releases are available in Inuktitut, English, Inuinnaqtun and French on www.gov.nu.ca.

Les communiqués de presse sont disponibles en inuktitut, en anglais, en inuinngadut et en français à : www.gov.nu.ca.

Tamna RFQ takuinnarialik uumanit Nunavunmi Uuktuqtut qaritauyakkut pulaarvingani:
<http://www.nunavuttenders.ca/>

Naunairyuumirumaguvit uumunnga Iqaluit Nunaryuami Milvikhaanik Ihuarhaitjutkhanganiq Havaakhaanik, pulaarluq: <http://www.gov.nu.ca/>

###

Tuhaqtipkaiyiuyut uqaqatigilugu:

Pam Coulter
Director of Communications
Executive and Intergovernmental Affairs
Hivayautikkut: 867-975-6049
Qaritauyakkut: pcoulter2@gov.nu.ca